

ԽՄԲԱԳՐԱԿԱՆ

ՀՈԳԻ ՀԵՄԱՐՏՈՒԹՅԱՆ



ատմությունը իրադարձությունների մի հարատև շղթա է, իրադարձություններ, որոնք իրենց ներունակությամբ, ներքին բովանդակությամբ և վճռադրոշմ կնիքով ժամանակ առ ժամանակ գալիս են խոսելու սերունդների հետ և հավերժորեն ներկա գտնվելու նրանց կյանքում ոչ միայն որպես հիշողություն, այլ նաև ապրելու եղանակ:

Այս օրերին մեր ազգային-եկեղեցական կյանքում տեղի են ունենում դեպքեր, որոնց թերևս մենք՝ այսօրվա ապրողներս, չկարողանանք ամբողջական և իրական գնահատական տալ, քայքայ ժամանակները անաչառ ու անշահախնդիր կերպով կպարզեն և ըստ արժանվույն կգնահատեն դրանք:

Մեր կյանքի վերարժևորման մի շրջանում ենք ապրում այսօր: Ինքնաքննությամբ փորձում ենք պատմության էջերից դուրս բերել և մեր այսօրվա կյանքի հետ միաշաղախել անցյալի արձանագրությունները՝ փորագրելով մեր հոգիների վրա և կենդանի գրություններ դարձնելով գալիքի համար:

«Աստված է, որ մեզ պատրաստում է այս փոփոխությանը, նա, որ տվեց մեզ Հոգու առհավատչյալն» (Բ Կորնթ. Ե 5): Պողոս առաքյալն է խոսում մեզ հետ, իսկ մենք կենդանի վկայողներն ենք այս խոսքերի: Ականատեսներն ու արձանագրողներն ենք այնպիսի ակնթարթների, որոնք իրենց մեջ խտացնում են անցյալի պատմությունն ու դառնում հավերժության պատուհան ապագայի համար:

Խորեն Ա Մուրադբեկյան մահատակ Հայրապետի աճյունի փոխադրություն և հազարամյակի վերջին Մյուռոնոսիությունը՝ տրամաբանական հաջորդականությամբ թվագրված 7 և 8 սեպտեմբերի:

«Աստված է, որ մեզ պատրաստում է այս փոփոխությանը...».

Սեպտեմբերի 7... Գարեգին Վեհափառի իմաստուն որոշումով, անցյալի աստվածամարտ և հավատախեղ քաղաքականության զոհը դարձած Խորեն Ա մահատակ Հայրապետի աճյունը Սուրբ Գայանե վանքի իր հանգստարանից փոխադրվեց Սուրբ Էջմիածնի Մայր Տաճարի հովանու ներքո հանգչելու՝ արժանի տեղ գտնելով իր նախորդների կողքին:

Ապրելով ամենածանր ժամանակներում, Խորեն Վեհափառը երբեք էլ չընկրկեց և որպես «քաջ հովիվ» իր արյամբ լույսի և հույսի մի ճառագայթ արձակեց խավար ու մթամած օրերի մեջ՝ դառնալով **ՆՈՐ ԳՈՂԳՐՔԱՅԻ ՆՈՐ ԽՆԱՅԵՅՅԱԼԸ**՝ իր անձի մեջ թանձրացնելով ժողովրդի ցասումն ու տառապանքը: Իրեն վստահված քանալիները չզիջեց՝ կանխագալով ազգի հոգևոր զանձաւտան կողոպուտը, որի համար ստիպված եղավ կյանքով վճարել և զոհաբերվել Աստծո փառքի տարածման և ժողովրդի ազատության համար: Եվ որքա՛ն անշուք էր նաև նրա հուղարկավորու-

թյունը: Սարսափի և վախի «ուրվականների հսկողությամբ» մի քանի հավատարիմ կանայք քաջությամբ հանձն առան անպատվությունից և ապականությունից փրկելու Հայրապետի անջնջացյալ մարմինը՝ ոչ թե թաղելով, այլ պարզապես թաքցնելով Սուրբ Գայանե վանքի հարևանությամբ գտնվող հասարակաց գերեզմանատանը: Այս ժամանակ առ ժամանակ Գևորգ Զ և Վազգեն Ա երջանկահիշատակ Հայրապետների օրերին հանգրվան առ հանգրվան փոխադրվելով գետեղվեց Սուրբ Գայանե վանքի գլխավոր մուտքի մոտ: Եվ կարծես այդքան տառապանք, աքսոր, հայածանք տեսած և այս ամենի զագաթը հանդիսացող մահատակությամբ կյանքը կնքած Հովվապետի գերեզմանի համար մույն դեգերումներն էին սահմանված: Բայց այդ շիրիմը յուրահատուկ խորհուրդով ժամանակների հարացույցը հանդիսացավ. որքան պարզվում էր մեզը, այնքան այն առաջանում էր ավելի հաղթանակած և ավելի արժանի գնահատմամբ: Իսկ այսօր վերջնականապես լուսավորված Մայր Աթոռի Գահակալը՝ Գարեգին Ա Վեհափառ Հայրապետը, եկեղեցական մեծ թափորով և բազմաթիվ հավատացյալների ուղեկցությամբ իր իսկ ձեռքերով հոգեւոյս Հայրապետի աճյունը ամփոփեց և հաստատեց Մայր Տաճարի հովանավորությամբ. «արժան և իրաւ»: Տեղի ունեցածը սոսկ աճյունի տեղափոխությունն չէր, այլ պարփակումը իր մեջ ժամանակների փոփոխության խորհրդի՝ «ի մահուանէ ի կեանս և յապականութենէ յանապականութիւն»: Խորհրդանշանակորեւ, գերեզմանի կնքումով երանաշնորհ Հայրապետը իր հետ տարավ դժնի ժամանակների իր հոտի տառապանքներն ու ցավերը և իրեն՝ հատուկ կերպով վերջ դրեց նեցուկայանն ու կեղծիքին՝ վերածվելով մոր կյանքի լուսաշող ուղեների:

Եվ այս բոլորի բարձրակետը հանդիսացավ աճյունի տեղափոխության հաջորդ օրը տեղի ունեցած Սրբալույս Մյուտոնի օրհնության առիթով Գարեգին Վեհափառի արտասանած խոսքը, որն ամենամեծ ընծան էր մահատակ Հայրապետ, ի հիշատակին. «Նա չունեցաւ Հայց. եկեղեցու աւանդութեան և իր կաթողիկոսական աստիճանին ու պատուին համապատասխան թաղում: Իր կաթողիկոսութեան վեց տարիներին նա չունեցաւ ո՛չ մի առիթ և ո՛չ մի ազատութիւն կաթողիկոսական իշխանութեան միայն յատուկ իր պարտականութիւնը՝ Միտոնօրհները կատարելու: Հայաստանի ազատ ու անկախ մեր մոր Հանրապետութեան այս առաջին հնգամեակին, մեր Մայր Աթոռ Սուրբ Էջմիածնի վայելած ազատութեան և վերածաղկումի այս մո'ր շրջանին, իմ կատարած այս առաջին Միտոնօրհները ես ընծայում եմ որպէս խունկ բուրումնաւէտ նրա պայծառ և ճանաչող իշխանակին, որ փտահաքար լինի մերձնյաւն անսպառ և կենսարար աղբիւր մեր մո'ր հոգեւորականութեան և հոգեպէս ու ազգապէս ու պետականօրէն վերանորոգուող մեր ժողովրդին, յատկապէս մոր սերնդին:

Թող իր շիրիմը լինի մի մոր և պայծառահունչ դօղանք հոգևոր այս «Անլուելի Զանգակատուն»ին՝ Մայր Աթոռ Սուրբ Էջմիածնին»:

«...Նա, որ տվեց մեզ Հոգու առհափառչյան».

Սեպտեմբերի 8... Դարի վերջին Մյուտոնօրհնությունը կատարվեց այս

առավոտ՝ Աստծո Հոգու ներկայության առհավատչյալն և հայոց շարունակական կյանքի միակ թանձրացյալ Վկայությունը: Այն իր մեջ ամբողջացնում է միատարրացյալ ներկայությունը աստվածային շնորհի և մարդկային հավատարմության: Աստուծո կոչը և մեր հայրերի ձայնը միակյանքված խոսում են մեզ հետ այս Մյուտոնորհների միջից: Մյուտոնի Արքայույս և կյանքի խորհրդանիշ զմրուխտյա կանաչության արտացոլանքով մեր առջև պարզվում է հայության կյանքում Սուրբ Հոգու գործում և գործութնական մասնակցության շարահարությունը՝ վերափմաստավորված մեր Տիրոջ՝ Հիսուս Քրիստոսի մարդացմամբ, որը Ա. Գրիգոր Լուսավորչի ճգնությամբ ու տառապանքով, սահակ-մեսրոպյան սխրանքով, վարդանանքների խիզախումով, գետադարձյալ հեղումներով դարձավ մեր ազգային հարազատ, սեփական դիմապատկերն ու նկարագիրը:

Այո՛, դարձավ, բայց դարձնե՛նք նաև այսօր:

Վեհափառ Հայրապետի՝ մախքան Մյուտոնորհները հայրական խոսքը, որ ներքին՝ հոգևոր պատրաստության հրավեր է, հենց այս է թելադրում մեզ. «Ա. Մյուտոնը առնչել կյանքին»: Թող այն չմնա սոսկ մեր ճակատի, աչքերի, ունկերի, շրթունքների, ձեռքերի, սրտի, ոտքերի և թիկունքի վրա շքեղորեն փայլող յուղ օծության, որպես «հանդերձ ի վերայ մարմնոյ», այլ տերունական կնիքով վերածենք և նրանով վերածվենք երկնավոր պարզանքի բաշխման, աստվածտեսության, աստվածլսելության, աստվածխոսության, Հոգու բուրմունքի, բարեգործության, վահան ամրության և հավիտենական կյանքի հավերժագնացության սրբազան առիթի՝ ունենալով «*իբրեւ զգոյն մորթոյ*»:

Քրիստոնեության երկհազարամյա պատմության մեջ շուրջ 1700 տարիներ ապրող և ստեղծագործող մեր ժողովրդի համար յուրահատուկ տեղ ունի այս Մյուտոնորհները: Դժվար է հիշել, թե քանի անգամներ է Հայոց Մյուտոնը օրհնվել Հայրենիքի անկախ պետականության պայմաններում: Հիմա տարիներ առաջ Վազգեն Ա երջանկահիշատակ Կաթողիկոսի ձեռամբ օրհնված Մյուտոնը կոչվեց «*Անկախության Մյուտոն*», որով կարծես սրբագործվեց և օծվեց Հայոց նորածին ազատությունն ու անկախությունը: Իսկ այսօր, երբ այդ պետությունը արդեն հինգ տարիներ շարունակ տառապանքով ու տքնանքով առաջ է ընթանում, Գարեգին Վեհափառը նորօրհնյալ Մյուտոնը կոչեց «*Վերածննդյան Մյուտոն*»:

Կանգնած ենք մեր քրիստոնեական պատմության երրորդ հազարամյակի առջև. ի՞նչ են մեր անհատական և հավաքական խոհերը, խորհրդածությունները, հոգսերն ու մպատակները: Սակայն ինչ և ինչպիսին էլ լինեն, պարուրենք դրանք ոչ միայն Մյուտոնի խորհրդով, այլև Մյուտոնի՝ Սուրբ Հոգու գործերով: Եվ Աստուծո անձեռակերտ տաճար Հայաստան աշխարհի ծննդյան ավազան տեսլակառույց Սուրբ Էջմիածնի՝ դեպի երկինք տանող ճանապարհով դառնանք

«Մյուտոնված ժողովուրդ՝ Մյուտոնելի առաքելությամբ»: